



## XALQ DEPUTATLARI SAMARQAND TUMANI K E N G A S H I

Samarqand t. 140300, Gulobod qo'rg'oni, 1-uy. Tel: (66) 612-51-89

2022 - yil 29 - noyabr

VI-71-207-7-103-K/22

Samarqand tuman hokimligi

### **Tuman hokimligi moliya bo'limi mudiri v.v.b F.Misirovning "2022-yilning 3-choragi bo'yicha tuman mahalliy budjet parametrlarining ijrosi hamda tuman mahalliy budjet daromadlar bazasini kengaytirish zaxiralarini aniqlash bo'yicha amalga oshirilgan ishlar to'g'risida"gi hisoboti haqida**

2022-yilning 3-choragi davomida tuman mahalliy budjetini sifatli qilib ijrosini ta'minlash borasida muayyan ishlar olib borilgan.

Natijada, tuman mahalliy budjetining daromadlar qismi prognozlari 107,1 foizga ijro etilib, prognoz-rejada ko'zda tutilgan 20275,3 mln. so'm o'rniga, haqiqatda 21712,1 mln. so'm daromad tushirildi yoki prognoz rejaga nisbatan 1436,8 mln. so'mlik qo'shimcha mablag' tushirilishi ta'minlandi.

O'zbekiston Respublikasi Vazirlar Mahkamasining 2017-yil 29-iyundagi 445-sonli "Mahalliy budjetlarning daromadlar bazasini kengaytirish zaxiralarini aniqlash ishlarini tashkil etish chora-tadbirlari to'g'risida"gi qarori ijrosi yuzasidan tuman moliya bo'limi va Davlat soliq inspeksiyasi hamda aloqador tashkilotlar bilan hamkorlikda qator amaliy ishlar amalga oshirildi.

Xususan, soliq to'lovchilarni joyiga chiqib o'rganish hamda soliq bazasidagi ma'lumotlar bilan tahlil qilish va solishtirish orqali qo'shimcha daromad bazasini aniqlash, ularni qamrab olish ishlari olib borilishi natijasida 2022-yil 3-chorak davomida jami 2116 ta holatda budjetga yil oxirigacha 2918,1 mln. so'mlik qo'shimcha daromad manbasi aniqlandi.

Shu davrdagi tuman mahalliy budjetining xarajatlar qismi 104,5 foizga ijro etilib, 71 mlrd. 073 mln. 059 ming so'mni tashkil etib, ushbu mablag'larning 55,7 foizi yoki 39 mlrd. 575 mln. 097 ming so'mi ijtimoiy soha xarajatlar hissasiga

to'g'ri keladi.

Budjet xarajatlarini tarmoqlar kesimida ko'rib chiqqanda ta'lim sohasi xarajatlari 3 mlrd. 602 mln. 831 ming so'mni tashkil etdi.

Maktabgacha ta'lim muassasalarini saqlash uchun tuman mahalliy budjetida ko'zda tutilgan 8 mlrd. 965 mln. 714 ming so'mlik mablag'lar o'z vaqtida va to'liq moliyalashtirilib kelinmoqda.

Sog'liqni saqlash muassasalarini saqlash uchun tuman mahalliy budjetida ko'zda tutilgan 25 mlrd. 020 mln. 889 ming so'mlik mablag'lar o'z vaqtida va to'liq moliyalashtirilib kelinmoqda.

Bundan tashqari ushbu davrda tuman hokimligining zaxira mablag'lari hisobidan tumanning kommunikatsiya va obodonlashtirish ishlariga, kam ta'minlangan oilalarni moddiy tomondan qo'llab-quvvatlash hamda gematologiya kasalligiga chalingan fuqarolarga dori-darmonlari uchun 859 mln. 392 ming so'm mablag'lar yo'naltirildi.

Yuqoridagilardan kelib chiqib, Xalq deputatlari tuman Kengashining yetmish birinchi sessiyasi

### **QAROR QILADI:**

1. Tuman hokimligi moliya bo'limi mudiri v.v.b F.Misirovning "2022-yilning 3-choragi bo'yicha tuman mahalliy budjet parametrlarining ijrosi hamda tuman mahalliy budjet daromadlar bazasini kengaytirish zaxiralarini aniqlash bo'yicha amalga oshirilgan ishlar to'g'risida"gi hisoboti ma'lumot uchun qabul qilinsin.

2. Tuman hokimining birinchi o'rinbosari F.G'aniyev, tuman Davlat soliq inspeksiyasi (F.Nizomov) va tuman hokimligi Moliya bo'limi (F.Misirov) 2022-yilning qolgan davrida mahalliy budjetlarining daromadlari va xarajatlari ijrosini ta'minlash maqsadida quyidagi vazifalarni amalga oshirish tavsiya etilsin:

-2022-yilning 4-choragi mahalliy budjet daromadlarini barcha manbalar hamda hududlar bo'yicha to'liq va o'z vaqtida tushumini ta'minlash;

- mahalliy budjetlariga hisoblangan soliqlarning barcha turlari bo'yicha boqimanda qarzdorliklarni kamaytirish choralari ko'rish;

-mahalliy budjetlardan ish haqi va unga tenglashtirilgan to'lovlar, ijtimoiy nafaqalarni va pensiya to'lovlarini to'liq va o'z muddatida amalga oshirilishini

ta'minlash, ularning tijorat banklari tomonidan naqd pul hamda plastik kartochkalar bilan ta'minlanishi ustidan qat'iy nazorat o'rnatish;

-budjetdan mablag' oluvchi muassasalar tomonidan ajratilayotgan budjet mablag'laridan maqsadli va samarali foydalanish, kreditor qarzdorliklarga yo'l qo'ymaslik choralarini ko'rish;

-budjet va budjetning qo'shimcha manbalari hisobidan ajratilayotgan mablag'laridan maqsadli va samarali foydalanish, kreditor qarzdorliklarga yo'l qo'ymaslik choralarini ko'rish, bunda asosiy e'tiborni Davlat dasturlar bilan belgilangan tadbirlarga ajratilayotgan mablag'lardan maqsadli va samarali foydalanish;

-Obod qishloq dasturiga kiritilgan obyektlarda olib borilayotgan qurilish, obodonlashtirish ishlarini nazoratga olish, mahalliy budjet hisobidan ajratilishi lozim bo'lgan mablag'lar manbaini topish bo'yicha tegishli choralar ko'rish;

-Investitsiya dasturiga kiritilgan obyektlarda qurilish ta'mirlash ishlarini belgilangan muddatlarda va sifatli qilib yakunlash ustidan nazoratni kuchaytirish;

-2022/2023-yillar kuz-qish davrida ijtimoiy soha muassasalarini barqaror faoliyat yuritishini ta'minlash va ajratilgan budjet va budjetdan tashqari mablag'larning manzilliligini va samaradorligini oshirish maqsadida, mablag'larni muassasalar holatini joyiga chiqib o'rgangan holda, puxta tayyorlangan manzilli dasturlar asosida birinchi navbatda ta'mirtalab muassasalarga va eng zarur tadbirlarga yo'naltirish, ijtimoiy soha muassasalariga zamonaviy texnologik talablarga javob beradigan, energotejamkor hamda gaz va ko'mir yoqilg'isiga moslashtirilgan isitish qozonlarini xarid qilinishi, ko'mir va briket yoqilg'isi zaxirasini sifatli saqlanishi ustidan qat'iy nazorat o'rnatish so'raladi.

3. Mazkur qaror ijrosini nazorat qilish xalq deputatlari tuman Kengashining Mahalliy budjet, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo'yicha doimiy komissiyasi (B.Xusanov) va tuman hokimining birinchi o'rinbosari F.Ganiyev zimmalariga yuklatilsin.

Sessiya raisi



A.Umarov